

# 論語國二範圍

## (一)(衛靈公篇)

子曰：

吾嘗終日不食，終夜不寢，  
以思，無益，不如學也。

(學與思並重)

## (二)(泰伯篇)

曾子曰：

士不可以不弘毅，  
任重而道遠，  
仁以為己任，  
不亦重乎！  
死而後已，  
不亦遠乎！

(讀書人的志向)

## (三)(學而篇)

子曰：

君子不重則不威，  
學則不固；  
主忠信，  
無友不如己者，  
過則勿憚改。

(君子的威儀)

## (四)(季氏篇)

孔子曰：

君子有九思，  
視思明，聽思聰，色思溫，  
貌思恭，言思忠，事思敬，  
疑思問，忿思難，見得思義。

## (五)(里仁篇)

子曰：參乎！吾道一以貫之。

曾子曰：唯。

子出，

門人問曰：何謂也？

曾子曰：夫子之道，忠恕而已矣。

(如何運用忠恕於做人處事)

## (六)(季氏篇)

孔子曰：

益者三樂，損者三樂。  
樂節禮樂，  
樂道人之善，  
樂多賢友，益矣。  
樂驕樂，  
樂佚遊，  
樂宴樂，損矣。

(如何選擇有益身心的興趣)

## (七)(季氏篇)

孔子曰：

君子有三畏，  
畏天命，  
畏大人，  
畏聖人之言。  
小人不知天命而不畏也，  
狎大人，  
侮聖人之言。

## (八)(子罕篇)

子曰：

法語之言，能無從乎！改之為貴。  
巽與之言，能無說乎？繹之為貴。  
說而不繹，從而不改，吾末如之何也已。  
(如何做個善聽善學的人)